

澄城縣志卷四

山川

橋渡井泉古蹟附

澄邑爲梁山右支大勢皆自東而西洛水繞西北來源遠六七百里而山南山北之水匯焉舊志臚列名目未能考其源委酈元之簡李渤之陋不獨爲石鐘山歎也明人地志或以山水併歸地理或以山水列見總志爲省文耳宋朱長文撰吳郡圖經以山水獨列專門元馮復京撰昌國圖志以山水分爲二敘古法具存未敢立異故於支幹脈絡處詳加考究而古蹟未湮爲登覽所興懷胥附見焉

澄城正北一帶層巒疊嶂拱列若屏西逕白水迄於洛東北

澄城縣志

卷四

山川

一

跨邠陽韓城底於河名稱各殊要皆禹甸之梁山穀梁傳所謂晉望者也分梁山一支而西地名佛爺崕爲邠陽界水南流爲大峪河源崕西陡起矗立雲表俗名揣天峰爲澄城東境第一山在縣東北八十里揣天峰分三支一支南下二十里盡於峪俗名樺樹嶺一支西北纏護四十里界水夾其右盡於洛川石堡川中支迤邐西行起五六峰皆無名約二十餘里爲旗山在縣北八十里旗山西十里爲武帝山漢武帝祀汾陰后土路經此邑邑人立祠祀之武帝山高與旗山齊兩山對峙一凹中分凹南平田數十畝田外直凹正中有山崛起高不十尋大僅畝餘穴隙天然罅孔洞豁如堆石作樓閣形者爲石樓山在縣西北七十里舊志指邠陽之武帝山

爲此武帝誤矣二山相去實四十里也

旗山分一支南下爲斧山俗名門限嶺又南行二里許爲覆釜山陟其巔實四隅有棱形如覆斗又東南行二十里爲將軍山在縣東北六十里祀秦將武安君自起相傳起伐趙過此其東凹下處亂石似鈴搖之有聲土人名馬鈴石云起遺鈴於此迤南有村曰社田云爲起食邑皆臆說也將軍山西折而南五里爲天馬山又南一山形如石磬擬名磬折峰又南爲鳳山俗名尖山鳳山分三支西支如鳳尾盡於峪東支如鳳首爲縣城發脈之原中支南行二里許爲社公山有社公廟在縣北五十里鳳山以形名社公以神大抵梁山一帶形如覆釜天馬者最多惟韓城之巍山與澄城之社公其形

澄城縣志

卷四

山川

一一

方遙望之峻隅修整峭壁四立如城堵然蓋山之特出者也旗山東南山峪水暨將軍山麓泉三源俱東流經樺樹嶺南會爲大峪河旗山正南山峪水南流十里許地多柏名柏谷又南經社公山陰折而西爲良輔河以上參用張秉直澄城山水記

武帝山西南行落一峽俗名要險峽西北高起爲界頭山與洛川分界在縣西北九十里峽東南爲石門山又東爲麻林陂又南爲紅羅谷土色狀如紅羅舊有驛通洛川在縣西北七十里峽中出西南行十里起高峰俗名香鑪山分一支折東南連起數峰約十五里爲壺梯山有元帝廟邑人喬廷左建在縣西北五十里又分一支折而西爲黃花山在壺梯山

西北二十里黃花山西行十里爲風洞一名風谷其深叵測天將風洞中先有聲響振巖谷風欲息復如初半崕有石蜜洞洞口甚小俗名蜂窩又西爲雲門谷谷口若門水氣如雲其上爲曹溪寺門署靈泉院寺前爲不溢池方可數丈深五六尺泉出寺東山巔注而不溢卽通志所載洛川東南之紫金山也舊志皆作溢池遺卻不字殊屬費解在縣西北九十里其麓爲孔走河爲澄城西界壺梯山分支處有牛跑泉東流會麻堤溝靳家山柳樹店諸水南流入紅羅谷又南爲魯家河受社公山右良輔河名雙河鎮雲門谷崖石峻聳寬僅十餘丈險難登躋數十里外望雲氣如素練麻林陂與雲門山相連自山陰峽中望之寬可里許宛肖雲門谷舊志以旗

澄城縣志

卷四

山川

三

山西凹處爲雲門谷則愈平坦矣張秉直亦用其說姑爲兩存

伏鳳山在西二十里高槐村南谷中本社公山旁支落平四十餘里忽臨巨壑陡起成峰其東爲清涼禪院前有泉西南流其西爲浴子河南流至長閨鎮西北合流而南水西爲鬪雞山又南二里許水東爲小華山

臨高原在縣南五十里自邵陽仙公原西南接縣境爲橐駝頂過峽後分支西行約十餘里原北爲龍泉原南有岡特起上有廟俗名高廟石志宋名臣言行錄李忠襄公顯忠初仕金以計執金撒離喝密圖南歸後由漢村經臨高原奔夏澄城之水皆西入於洛洛自白水齊家河入境孔走河注焉

其東爲觀音堂在縣西北六十里東南流十餘里至史家河村東三官廟前旣安城南水注焉又東南流二里洞子崖水注焉又東南流十五里過石家坡村東長甯河注焉其東爲劉家坡又東南流五里房家河注焉其東爲三眼橋純石怪壘擾河中流分三峽瀉水濶僅丈許其形似曾有橋今圯舊志名三孃子橋不知何謂張秉直更名雲靄橋疑當作雲靄峽在縣西三十里雲靄峽微東白水縣西河自南注焉俗亦名漆水卽水經所謂出直路之沮水也水東爲蒲城界又東流二里許爲分水嶺小山孤峙河中如獬豸踞坐形下石上土高十餘丈大不盈頃上有元武廟修真者常居之張秉直據爾雅水中可居曰洲石戴土謂之崔嵬更名獬豸洲又東

澄城縣志

卷四

山川

四

南流十餘里爲長閨鎮浴子河注焉又東流折而南約五里爲一眼橋或作一孃子橋兩山夾水而行山高谷深峽隘水急酷肖韓城龍門具體而微擬名小龍門在縣西南二十五里車路可通河西藉溝修車路上坡五里卽蒲城蔡鄧村本無橋石岸濶僅丈許若於兩岸架鐵索數條上布以板卽成橋所費無多或遇夏漲衝損補修亦易視長閨鎮西洛河渡取徑較捷途尤平坦又南流入蒲城界五里至索曲村南縣西河注焉又南流五里經王曲村西又南流八里經寺莊村西又南流五里湫頭仍入縣境在縣西南三十里張秉直雒水諸險記云湫頭在洛下流有懸崖高可十丈洛自上瀉下怒濤奔波聲如雷轟自下觀之又如萬斛珠璣鬪空傾落激

湍濺飛百步外迫不可視湫上夏雨暴長走石流沙滾滾不窮下卽平夷求拳石不可得造物生化之機亦神矣哉東岸有龍王廟直湫水西數村爲澄城西界湫下石峽三四里爲第二湫又南半里許第三湫較上湫漸低東崖下多泉水漲輒淪隱洛中水落始出溫泉去岸僅數尺冬月有魚春夏之交魚尤多其東爲唐村又南流十里曲立河大谷河自東注焉入蒲城縣境

路世美曰雒水自白水入縣西北隅而南受玉泉又南受長甯河蓋雲門紅羅二谷水所會也又南受縣西河則井泉隋公泉激泉洗腸泉搯槍泉諸水所會而東南有撲地河則郃之大浴水而異名者自東北而南而西又受龍泉

澄城縣志

卷四

山川

五

以同歸于雒入蒲城境唐村有溫泉

又曰天地之大也山水亦有遇不遇哉吾澂分水嶺孤峰宛在華不注之育也湫頭飛瀑奔騰氣凌萬馬非稱吞雲撼岳之雄乎曾不得與雁宕鈇鋸肇錫嘉名地俗人乎哉元遺山北嶽詩古今同慨矣

孔走河北通雲門山麓乾溝數里爲澄城西界東北約十餘里書堡村東溝黃花山右泉源甚微西南流十餘里會諸泉水漸大爲羅家河又南流數里始爲孔走河係白水縣廢鎮今爲村名河東上坡有街街東爲關家橋舊志名天險門在縣西北六十里橋下乾溝無水本壺梯山後衙葦溝西南二十餘里通孔走河舊志以孔走爲空子謂橋在河上殊誤路

一麟繪縣圖題天險門於西北高山通省志疆域山川圖又繪天險橋於洛俱謬孔走河西南流十里經古王官城西玉泉水自東注焉在縣西北六十里石志泉濱崖而出瑩澈如玉隆冬水芹夾岸不啻春夏下有蔬圃藥畦引流灌溉元西臺御史彭衙潘汝劼來遊有詩戴志謂在縣西北十五里誤甚又南流十七里至十二曲村西觀音堂前入洛北距山麓三十餘里縣圖不載孔走河直以洛界西北境似玉泉逕自入洛未免疏漏且洛以南北繪之尤不可解

壺梯山西南約十餘里東七村皆曰長甯西八莊皆曰吉安俗名旣安有廢城遺址無碑碣可考土人呼爲旣安老城城兩隅爲溝溝中俱有泉湧出南流至龍王廟前卽合爲一水

澄城縣志

卷四

山川

六

頗大西南流十五里經善化村東又西南流五里經盧家村西又西南流五里經李連岨村東又西南流五里經馬家村東煖水泉西嶽泉俱自西注焉水東有泉三股出西社村西俗名三股泉西流注焉在縣西北四十里泉上有三姑神洞祈禱輒應又西南流十里靈泉會馬齒泉南流注焉又南流五里經史家河村東蔡家河西流注焉又西南流至三官廟前入洛源委四十餘里各以其村名之皆可濬渠灌溉舊數志俱未載不知其爲水利也

洞子崖水源出西社村西水色清潔在縣西北四十里西南流五里至洞子崖村西入洛舊志亦未載

長甯河源出武帝山右俗名西腿子數壑俱有泉南流經麻

林陂紅羅谷約二十五里漸匯爲一舊志謂雲門紅羅二谷所會殊誤雲門爲孔走河源在壺梯山西焉能與紅羅合哉戴志又謂有人長甯河之三孃子川源出宜君界麻林坡溝底更謬澄城西北界洛川白水二縣焉得有宜君界哉紅羅谷水南流十五里爲魯家河會社公山右良輔河亦名雙河鎮在縣西北四十五里良輔河源出武帝山左旗山南石樓山麓南流匯柏谷諸泉又南流十里至社公山陰折而西舊志以旗山西爲雲門谷故有二谷所會之誤魯家河西流經壺梯山前爲迪家河又西流折而南十里方爲長甯河經舊縣城遺址西故名又南流五里經西趙莊村東又南流十里經陰泉村西陰泉水西流注焉有石橋嘉慶癸酉西社村耆

澄城縣志

卷四

山川

七

民李文彥募金創建越三年丙子工竣知縣胡彬名爲永慶橋在縣西北三十里廩生李大鱗撰碑見藝文陰泉有二中隔土嶺皆自東南崖陰流出味極甘冽嶺北者源較大濺珠噴玉匯爲葦園由橋北入河嶺南者渠引白雲觀內可流入廚由橋南入河戴志謂自西北崖陰出東南流入河甚謬又南流五里經三門舊縣西雙泉寺水西流注焉雙泉源尤多至寺前卽合又南流五里經張家莊村西又西南流五里經石家坡村東入洛

房家河源出西戶莊村南西南流五里張家莊村東泉南流注焉又南流五里經房家河村東多煤井又南流至三眼橋西入洛三眼橋石峽束洛一名三浪川舊志以陰泉所入之

長甯河爲三孃子川殊誤又謂其上有三孃子廟與三股泉上之三姑神洞皆杜十姨之類也

浴子河源出高槐村南伏鳳山右南流七八里至長閭鎮西北段莊清涼禪院前泉西南流注焉又南流二三里經小華山西入洛浴子河與房家河源委皆僅十餘里舊志均未載惟二水爲煤井所在似不應略

縣西河源爲甘泉出社公山麓西莊子村東澗中在縣北四十里舊志水美堪造酒一名酒泉引顧棟高春秋大事表證爲左傳虢地又引樂史太平寰宇記證爲左傳新里俱無遺蹟可據今惟澗東有村名新莊未知卽其地否俟攷甘泉下流多泉南流二十餘里經遮路村西瑞雲觀尤多溫泉土人

澄城縣志

卷四

山川

八

所云十里不凍蕭家河也又南流十里經親鄰寨西元陝西平章李思齊命將所築以爲屯守今俗名砌嶺在縣北二十里又南流五里經車蓋村西蟒猛廟前三泉水自西注焉附近居民編爲三泉里其泉源有三復合爲一在甘泉河之西舊志謂溫泉三泉俱出縣東北殊誤又南流五里經郊城村西又南流五里經永內村西爲匱谷一名隋公泉在縣西北六七里舊志隋文帝避暑時宮娃浴此故名泉形如匱又名匱谷其水清澈可愛凡達人騷客尋春修禊者往往於斯焉藍田諸呂俱有題名適菴老人有詩石壁題詠尤多崩缺漫滅難可辨識太平寰宇記甘泉出匱谷中亦誤甘泉南流四十里經匱谷非出自匱谷也又南流二里經九轉山東明孫

瞻園士髦讀書處又南流二里方爲縣西河亦名三里澗
泉自河東湧出西流注焉又名官泉何景明雍大記源潔流
清釀酒香美人多用之戴志云東會甘泉以西爲東非是至
引程大昌雍勝略在縣西三里縣以此名頗不謬而謂源出
大慶里西莊澗中則又誤甘泉爲澍泉視太平寰宇記之出
匱谷中舛混尤甚又南流百餘步經金沙谷西有洗腸泉舊
志東晉高僧佛圖澄開脇浴腸之地迄今油膩如星浮在水
面旱禱輒應金沙谷一名金溪佛圖澄永嘉四年入中國栖
息於此泉上爲普濟寺又南流三里經纂業村西擗槍泉西
流注焉相傳漢武帝經此擗槍于地有泉湧出因立廟距甘
泉河源幾五十里到處有泉無慮數十多無名此下則無泉

澄城縣志

卷四

山川

九

矣又西南流三里董家河又西南流五里蔡家河又西南流
三里張家河王家河權家河又西南流五里藺莊河有小橋
無名明季創建路世美撰記見藝文藺莊河正北地名石溝
北通乾溝十餘里有崆峒橋在縣西十里柳家原村西張奎
祥府志謂在澍水上亦誤藺莊河橋下石峽西南流五里惠
家河爲蒲城縣東北境又西南流五里經索曲村南入洛
大谷河源出揣天峰東佛爺崖下在縣東北八十里東界郃
陽戴志謂出縣東界頭山殊誤界頭山在縣西北爲澄城與
洛川界澄城與郃陽分界處無所爲界頭山也自佛爺崖南
流二十里郃陽五眼泉自東注焉又南流經樺樹嶺東南爲
魏家河坡將軍山麓三泉合爲一流自西北注焉石志謂水

可盈斗中隔土嶺里許宜鑿引達縣卽此戴志疑爲古之温泉摘太平寰宇記引注水經云泉有三源奇川瀉注西注於洛亦曰帝饗温泉今附近有定國村卽宋定國軍俗名地骨村或係轉訛俟攷至謂非入洛之水甚謬澄城有不入洛之水耶又南流五里王家河又南流五里白家河河西爲避暑宮在縣東北五十里石志隋文帝避暑離宮林木交加河流盤曲一方之奇觀也水環宮後崖善崩碑刻沈沒無可攷後改爲治平寺萬厯四年丙子重修三殿皆石柱計三十六根今名白鶴寺內有石磬方池可浴舊志以縣西北匱谷爲隋文帝避暑時宮娃所浴亦無確據匱谷去避暑宮幾五十里谷隘礙旋馬不若避暑宮之軒敞也或相傳傳會未知孰是

澄城縣志

卷四

山川

十

白家河南流三里麻家河又南流一里雷家河舊有鎮久廢餘村店數家而已又南流五里劉鐵河又南流五里馮家河又西南流六七里朱家河爲邵陽廢鎮又東南流五里河東北高家坡又東燕尾溝爲澄城東界又南流五里段家河又南流五里姬家河又南流五里李家河在縣東北十七八里沿河上流溯源亦多無名泉不可勝計戴志以縣西河上流之温泉三泉俱謂在縣東北十五里不知何指距縣最近者莫如李家河姬家河皆不止十五里況以將軍山麓當之耶李家河南流四里管家河卽無泉在縣東十五里又南流四里劉家河又南流五里經柏門村東爲楊家河又南流四里党家河又南流四里經撲地村東爲趙家河石志撲地河在

縣東二十里卽此路志俗譌爲薄底河宋李忠襄公建炎二年知同州密爲恢復計志不就遂奔夏國曾經於此又南流二里侯家河又西南流二里袁家河有橋在縣東南二十五里橋下石峽折而西流五里馬家河有橋在縣東南亦二十五里二橋各志俱不載張奎祥府志有撲地河橋馬村橋並云在縣東二十里跨大谷河疑卽二橋第方向里數未確耳馬家河西南流五里金家河彭家河韓家河則水東亦縣境去郃陽界漸遠矣韓家河西南流五里聚菴河雷家河駱駝項西泉自東注焉又西流五里耿家河龍泉水自東南注焉石志龍泉在縣南五十里帶洛溝味甘如醴故近泉村落名曰醍醐曰酥酪隋文帝居同州每取食焉今其水釀酒頗美

澄城縣志

卷四

山川

十一

耿家河西流五里次溝泉自北注焉又西流十里經臨高原村北又西流十里經蒲城縣永豐鎮北爲曲立河入洛附井泉石志縣舊無井遠汲三里澗中宏治間知縣徐政卽預備倉鑿一井自匾曰芳泉嘉靖丙午北虜猖獗知縣徐效賢擇城中隙地鑿四井以戒不虞邑人取汲稱便名曰徐公井

古蹟屬於山川建置者不復列餘則載於石志者隋文帝莊相傳在避暑宮迤西漫無可攷惟金大定二十七年重修岱嶽廟記云古蹟則有隋文帝魏元成之舊莊今且失其處矣鄭公莊卽修善村今名大賢村在縣西北二十五里唐太宗所賜魏徵莊也其子孫世居焉宋浮休居士張舜民過此有

詩曰兒童不識字耕稼鄭公莊或云良輔鎮西亦有魏莊今在縣西北五十里良輔太賢皆以文貞得名疑共中二十餘里皆爲莊地載於路志者杜平史記秦孝公與魏惠王會杜平注在同州澄城縣界杏城魏書有杏城今失其處伏龍府在縣南五十里唐置府兵之所肅宗時太原王榮爲伏龍府折衝馬朴同州志代宗時王榮守左龍軍張奎祥府志肅宗作太宗誤舊志未載者無影城在縣東北十餘里每於日將出時忽有雲霧自下而升頃刻成城臺榭樓閣燦然在目日出漸沒土人往往見之嘉慶甲戌知縣通海尹振麟有詩竊意此城有影無形亦海市蜃樓之類名爲無影似不相符或當作霧影城又袁家河惠家河湫頭石上皆有人坐痕手足

澄城縣志

卷四

山川

十一

痕馬蹄痕溺痕刀劍痕相傳並爲仙蹟似涉附會俱不載

附乾坑辨

戴志於山屬臨高原後載乾坑引元和郡縣志同州西三十里有乾坑卽龍首渠之尾按馬朴同州志乾坑在州西四十里唐李元諒敗李懷光於乾坑李克用自河中屯乾坑敗黃揆於沙苑今名界溝以州西界也崑山顧景范祖禹讀史方輿紀要唐中和三年李克用由河中濟討黃巢自沙苑進屯乾坑戴志知爲同州西三十里何以載入澄城耶蓋亦誤于顧氏顧氏於澄城縣云乾坑在縣西南三十里西南接蒲城縣界於蒲城縣云乾坑在縣東北六十里東北接澄城縣界似在洛西龍山之陰袁家坡蘇家河

諸村附近東與淤頭相直顧氏又引胡氏曰乾坑在沙苑西又西南卽梁田陂則自相矛盾矣竊以臆揣之沙苑西之乾坑爲龍首渠之尾或蒲城東北之乾坑適當龍首渠之首未可知也攷史記河渠書漢武帝時莊熊羆言臨晉民願穿洛水溉重泉以東田萬餘頃可令畝十石於是發卒穿渠自徵引洛水至商顏下穿渠得龍骨故名曰龍首渠漢書溝洫志顏師古注徵澄城也商顏商山之顏也杜氏通典馮翊北有商原所謂商顏則是商顏者卽今同州北原水經注所謂洛水南經商原西者是也馬朴又謂鑿山燕支寨北有溝相傳爲古引雒處澄城橐駝頂有溝爲引撲地河處燕支寨在臨高原南北距澄城縣七十餘里

爲蒲城大荔分界若以顧氏乾坑當之可云在蒲城縣東南六十里不得云在澄城縣西南三十里也德清胡朏明禹貢錐指關中諸渠圖渭水北七渠西爲鄭國渠東爲龍首渠鄭渠自九嶷山下引涇水入渠東流經三原縣北又東流受漆沮水又東流經富平縣北又東流經蒲城縣北又東流至蒲城縣東北白水縣東南方爲鄭渠入洛處龍首渠自澄城白水分界處於洛北引渠東流折而南流百餘里至同州西方爲龍首入洛處渭水南三渠西靈軹渠最東漕渠漕渠自西安府西南引潏水東流又東受滄灞二水又東流經渭南縣南又東流經華州南又東流經華陰縣南又東流至潼關北渭口南方爲漕渠入河處自秦

漢以來鄭渠引漆沮二水東流入洛故洛亦稱漆沮鄭渠既廢漆沮自合流南至櫟陽入渭不與洛相通可知渠未開時漆沮元不合洛其入渭處卽今石川河也以今地勢計之微論滄灞皆高原夾流卽渭南縣華州皆南依山麓欲漕渠自西而東逕達華陰潼關非懷山襄陵其誰信之三原富平蒲城諸縣皆東高西下坡陀延數百里雖使水工如鄭國復生恐不能鑿涇爲渠引漆沮東注於洛況洛至澄城白水分界處兩岸皆深澗大壑高者十餘里卑亦不下五里洛東不能越重疊崖谷南逾商顏卽西岸白水入洛處亦豈能逆行遶金粟山麓溉重泉至沙苑哉不待云乾坑無遺蹟可尋始知其說之窮也抑或陵谷變遷高

深互易漢武祀汾陰后土道經呂梁澄城郟陽北境皆以武帝名山石路崎嶇輕騎所不能至當日乘輿清蹕安知非坦途乎大河自周定王五年已未以後隨渠屢徙至合泗以奪淮岱華山脈且不能隔禹迹固可泥乎今據胡氏渠圖參以通省志及府州縣各志白水北流入洛處或卽洛之故道南流遶龍山東麓可至重泉沙苑澄城蒲城以洛爲界或卽龍首渠舊蹟如大河之隨渠而徙南流至臨高原西不逾燕支寨遽折而西至將近重泉復歸故道沙苑西之乾坑或卽鄭渠入洛遺址亦皆未可知也然高下夷險當于目所共覩者鑿鑿言之若故紙陳迹空談附會三尺童子且循實而議其後矣如辨何